

17  
DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis decimâ-sexâ  
Novembris M. DCC. XLI.

M. JOANNE LUDOVICO BAUDE DE LACLOY,  
Doctore Medico, Præside.

*An in inflammationibus pulmonum etiam cum spūto cruento aliquando Emeticum?*

I.  
CUM inter morbos qui mortaliū genus affligunt, nullus ferè crudelior, & tamen vix frequentior occurat quàm *peripneumonia*, nullus etiam est de quo tam variè senserint Medici, ad eam quæ eum attenuant, ipsius quæ cursū promovent auxilia consuevit; alii ejusdem æstus, partiumque stricture, quæ temperare, mollire, demulcere valent sola exhibenda esse censuerunt; alii sanguinem ultra modum profundunt; alii vix semel aut bis; alii denique emeticum ut venenum omnino prohibent; alii ut efficacissimum auxilium adhibent. Quæ si pro diversis & determinatis morbi speciebus, non autem indiscriminatim efficerent nihil esset quod miraremur, immò laudanda foret eorum prudentia. Undenam igitur tanta inter artis Medicæ peritos sententiarum diversitas? Plurimi scilicet ad sola symptomata in curandis morbis attendentes, causam ferè omnino negligunt; ceteri verò altius scrutantes, inter symptomatum turbam quibus abita sæpe latet morbi causa, eam tamen fecerere sciunt, hanc curationem dirigens, importunam hanc simul symptomatum ceterarum feliciter dissipant. Et certè quæ potest esse in medendo felicior ratio quàm directè causam adoriri? Nam quid axioma tam vulgare, *causâ sublata tollitur effectus*, commemorare opus est? Huc revocetur & animo fingantur colicæ Pictorum symptomata. Quâ horrendâ specie sese offert? Quâ atrocitate ingruit? Quibus doloribus convulsionibus sæpè excitantibus agros distorquet? Hæc omnia tamen sanantur remediis quæ in sanis ea forsitan excitarent: quippe cum à materiâ intestinorum tunicis adhærente & irritante producantur, solâ ejusdem expulsionis sedari possunt, pessimèque sibi & ægroto consuleret Medicus, qui oleosis, anodynis & demulcentibus tantummodo uteretur. Num in *peripneumonia* etiam cum spūto cruento, quid simile polliceretur, & cum spūtum cruentum symptoma videatur emeticis duntaxat exacerbandum, si fieri posset ut iis utpote causæ expugnandæ accommodatis tolleretur? Etenim si inflammationes pulmonum, ut constat, à sanguine in ipsorum vasis stagnante oriuntur, quæ pone urgentis impetum excipiens vasa distendit, eaque etiam disrumpendo effunditur, spūtaque inficit, quid à remediis quæ motum & actionem fibrarum adaugendo citam resolutionem efficere valent non sperandum? Si itaque demonstratur nihil apius esse sanguinis in pectore infarctibus resolvendis, ipsiusque morui expediendo quàm succussiones ab emeticis productas, quid commodi in pulmonum inflammationibus etiam cum spūto cruento ab emeticis expectandum sit, simul evictum fuerit.

II.

PORRO inflammationem à sanguinis cursu ob ipsius moleculas in vasis implicitas intercepto oriri, ita omnibus notum est, ut eam hic longè explicare prorsus supervacaneum sit. Duas autem præcipuas esse causas animadvertemus; sanguinis nempe partium cum crassitiem quâ canalibus permeandis propter molis excessum inceptæ sint; alteram vasorum eam stricturem quâ diametrum illorum imminuit minor fiat moleculis transmittendis. Ex quibus jam liquet inflammationis causam proximam esse sanguinis infarctum in suis vasis. Hinc tumor à sanguine stagnante suæque vasa distendente; hinc dolor à distractione fibrarum, durities à congesto & condensato sanguine, febris ab irritato corde resistentis ipsius actioni, liquidiorumque morui obstantibus, ardoris sensus à valido moru & atritu cruoris, pulsatio à sanguinis cordis ictibus in partes ingurgitatas alternatim impulsu nifu at-

A.

que impetu. Hæc autem inflammatio quatuor modis terminari potest: nempe aut partes affi-  
ctæ vi vitæ attenuatæ, subactæ, ad minorem molem redactæ, tandem cedere coguntur,  
motu liquorum abripiuntur, sique soluto infarctui liber sanguinis redit circuitus, fit reso-  
lutio: aut partes sanguinis ita intruse in minima vasa & eum illorum parietibus ita com-  
pactæ ut exinde nullo modo deturbari & ejici queant, perpetuo liquidi ponè urgentis motu  
agitata & propulsa, tandem vasa haud apta tantis viribus sustinendis sensim destruant, &  
in, pus simul abeunt, fit suppuratio. Si obstructio maxima, ætus vellemens, pluribus inflam-  
matione correptis vasis, fititur circulatio in parte inflammata, subsequenteque putredine  
fit sphacelus. Superest scitrus, in quem aliquando desinit inflammatio, quando scilicet  
diffusis partibus fluidissimis induratur residuum & concrevit cum vasis. Ex his autem  
quatuor modis quibus terminatur inflammatio, sola resolutio exoptanda est, hæc est  
quam semper intueri, quam semper sibi proponere debet Medicus, exceptis forsan inflam-  
mationibus quibusdã externis & criticis: Etenim quoad internas sola est via quæ ager  
ad salutem tunc revocari possit, cum tres aliæ sere semper lethales sint. Ut autem sola  
valorum actio liquorum fluxum in statu sano promovet, eorumque stagnationem præ-  
caveat, sola etiam in statu morbofo eundem interceptum restituere, concretæ liquida dis-  
solvendo, resolutionemque efficere potest. Ab aliâ igitur quâcumque causâ opem neque-  
quam expectantibus, ni adesset simul fibrarum actio. Nec attenuantia, nec incidentia, nec  
resolventia, nec diluentia ullam in fluida potentiam exercent nisi solidorum ope. Quod de  
prioribus liquidis constat & primo intuitu patet, & de diluentibus etiam concedendum est,  
tum absque valorum actione partibus humorum diluendis immisceri & confundi nequeunt.  
Emollientia etiam quæ externis inflammationibus applicantur, motum fibrarum relituen-  
do conducunt. Fibras scilicet relaxando oscillationes antea propter partium fricturam & ten-  
sionem suspensas revocant: unde in tumoribus ab inertia valorum enatis plurimum rocent,  
nedum proficiant. In eo igitur totum versatur Medici negotium ut actionem fibrarum ut  
suspendant revocet, aut deperditam restituat. Ad id tendunt omnia quæ ad inflammationes  
dilatandas accommodata cognoscuntur. Sanguinis missio ut in deperitis evacuatione venas  
liberari fiat sanguinis ex arteriis expulso, sique minora resistentia in liquidis, fibrarum  
vi moveri possint moleculæ infarctum & obstructionem jam jam minitantes, aut etiam  
formantes. Idem efficiunt attenuantia, repellentia, resolutentia, & cætera quæ fibras irritan-  
do fluidorum in vasibus motum accelerant, concrectionem impediunt coagulatae resoluunt.  
Idem etiam efficiunt ritè adhibita vomitoria quæ succutiendo & latera valorum comprimèn-  
do in liquores necessariò agent, impeditos que propellent.

III.

**I**NTER omnia quæ ad morborum expugnationem in usum cesserunt medicamenta, nulla  
maiorum agris metum inferunt quam emetica. Quippe persuasum habent omnia quæ  
vomitum concitant aliquid venenosum habere quod sanguinem ultra modum incendens, vitæ  
& sanitati admodum est infensum. Quin etiam plurimi inter Medicos eundem cum agris  
quasi timorem communicantes manu non nisi tremente emetica agris porrigere audent. Non  
insciabimus autem in plerisque vomitoriis latere aliquid subtilis & causticæ indolis quod in-  
ordinatos in corpore motus concitat, sique plurima inferre potest mala, tum genus  
nervosum spasmi & convulsionibus afficiendo, tum sanguinem huc & illuc pellendo & repel-  
lendo. Sed hocce motus licet inordinatos tamen salutem esse, morborum que curationem interser-  
visse hoc etiam contendimus, hoc experimentis evinci plurimis, hoc ratione confirmari, &  
x emeticorum actione patere asserimus. Etenim in vomitu primum irritatus ventriculus convul-  
situr, plurimisque nervis quibus cum omnibus sere partibus consensum habet, musculos  
abdominis, pectoris, diaphragma in motum etiam agit. Hinc comprimitur abdomen, hinc  
concutitur totum pectus, variis que succussibus agitur, tumque violentè musculorum ab-  
dominis potissimumque transversis actione, materie in ventriculo contentæ, per pylorum  
convulsione oclusum exitu denegato, per oesophagum violentè exprimitur. Pectus igitur  
cum abdomine ut majorem ab emeticis patiatur actionem, ita quoque ab iis ritè vel præ-  
postere adhibitis plurimum levantur vel laborant. Etenim sub tantis moribus agitata visc-  
ceribus in iis necessariò acceleratur sanguinis circuitus, fortius itaque impingit in partes  
fluidorum vasis implicitas, si quæ sint, eas majori impetu diverberat, majoreque nisu  
impellit. Aliunde cum fibrarum viam solam resolutionis ministrant agnovimus, vis eme-  
ticorum actione quâ tanta fit ubique succussio, viscerumque compressio, quinam fibræ tunc  
additæ stringunt? Latera valorum vehementius conflinguntur, vehementius itaque in flu-  
ida agunt, ea percutiunt, sique undequaque crescentibus quæ fluida movent viribus, non  
possunt tandem non abripi partes quæ aut stasi suâ, aut motus lentore, obstructionis locum  
præstabant; non possunt non dividi quæ nimia mole canalibus subeundis impares extera-  
rum progressui obstant, denique non potest non solvi infarctus, liberique reliquis vasis  
non evanescere omnia quæ obstructionem sequebantur symptomata. Quânam igitur ratio-  
nem evictis effectum denegaremus, quem tot aliis auxiliis idem omnino efficientibus tam  
liberè concedimus? Motus infarctibus solvendis aptissimus semper visus est, quod cana-  
les succutiendo liquidorum per eos cursum promovet: compressiones enim laterum valorum  
resistentiam augent, congestiones præcavent: scissiones vasa & liquores contentos alterant.

et in comprimentis & conuulsando, liquida attenuant, diuidunt, tumoresque feliciter discutunt. Sola emeticorum actio hæc omnia simul præstat. Agitat & succutit vasa, ea comprimunt, liquores conuulsat, attenuat, movet. Non igitur omittendum est auxilium quod tor auxiliiorum quibus in inflammationibus internis nullus remanet locus, vices quodammodo gerere, eorumque defectui supplere potest.

## I V.

**H**IS explicatis quid boni in inflammationibus pulmonum etiam cum sputo cruento præstare possit emeticum determinare non erit difficile. Etenim si reuocetur omnia que de inflammationis naturâ, causis & effectibus exposita sunt, si concedatur inflammatio non esse veram obstructionem in vasis cruentem vehementibus quâ ipsius cursus interceptur; cum, quâ potentia, quâ efficacità obstructiones tollat emeticum, demonstratur fuerit, inflammationes simul tollere posse etiam constituendum erit. Quam immerito igitur inuehantur illi qui tale auxilium in hisce morbis tanquam extraneum fugiendum esse existimant! Quippe quod eos sanare, spura que cruenta sistere visum fuerit. Nec profecto mirabimur, si ad eam sanguinis eruptionem producendam, obstructionem solam sufficere animaduertamus. Quando enim sanguinis cursus obstructis vasis impeditur, liquidum continuo motu aduocatum ulterius transire impotens cumulat, vasa distendit, illorum fibras vi & copiâ moleste distendit, quæ si debiliores sint, aut impetus fortior breui disrumpit sanguini fugam molienti exitum novum aperient. Prout igitur quod libero cursu fluens, litora etiam placide lambere flumen, si oppositis repagulis sistitur, exuperat, avalisque ripis effunditur; sic in sputo cruento cruor qui antea liberis crebatur vasis, nulloque ejus motui obistente impedimento, latera vasorum mediocriter feriat, si enato quodam obice impediatur, parietes quibus continetur vehementer alidit,isque diffractis ejicitur. Quomodo igitur tali incommodo medebitur? Sane multum proderunt sanguinis missiones, quæ liquidum detrahendo, nimiam vasorum distensionem præcavebunt, impetum minuendo, vim vasis antea quasi onus sustinendam, eorumque hinc semper aperientem auferent. Sed si solvatur infarscus, nisi sub lato obstaculo liber restituantur liquidi fluxus, perfectam curationem nequaquam sperabimus. Semper enim in vasa obstructa velut in antrum cacum impingens cruor parietes illorum distendit, suspensos detinebit, vinctusculaque hiare coget; aut teneriores cicatriculas, si quæ sint, fortius distrahent, novæque ruptionis semper erit periculum. Medicamentis igitur resolventibus uti non modo utile est, sed etiam necessarium. Aliter imperfecta pierumque sit resolutio, remanentque sæpissime aliquot vasa obstructa. Hinc fons tot morborum qui *peripneumonia* tam frequenter excipiunt. Hinc ulcera pulmones exedentia, tabesque inducentia miserabilem. Hinc tubercula, asthmata, anhelitus, pulmonum debilitas & tot alii morbi *peripneumonia* totidem soboles. Quamobrem non tarda sed citâ esse debet curatio, resolutioque non expectanda sed acceleranda est; proinde non ut noxia reficienda sunt emetica, sed ut utilia adhibenda; non fugienda, sed suadenda; non arcenda sed ascendenda. *Peripneumonia* quippe & sputum sanguineum sere sola in initio tollere valent; eoque felicius quod sano visceri stimulum inferendo, relentelescentis in affectû parte liquidi leatorem castigant, obstructionemque mox formandam præcavent, aut etiam jam formatam tollunt; præcipue si eo tempore adhibeantur quo moleculæ ingurgitate, misso prius sanguine, sicque minutâ liquorum densitate, e loco adhuc moveri queunt; & si vomidus rempore, ne ventriculi parietes in motibus suis ad se invicem allidantur, magno aque calidæ haustu remoti sedulo teneantur; nec emeticum materique contentæ ventriculo nimium adhaerent, sed magnâ vehiculi quantitate diluta vel minimo hujus visceris nisu expelli queant. Tunc enim enormes non sunt ventriculi convulsiones, sed leniter procedit emeticorum actio; partes in consensum tractæ non dirè succutuntur, sed benigne commoventur; non violentius confringuntur vasa, sed mollior comprimuntur; nec liquores tumultuose agitantur, sed placidè propelluntur; denique *emesis* vitantur incommoda, omnes percipiuntur utilitates.

## V.

**U**NUM nunc explicandum superest nempe cur, cum emetica hisce morbis tollendis tam apta ostensa fuerint, attamen tam sæpe ab iis exacerbentur *peripneumonia*, quin etiam lethales fiant. Quod quidem non experientiâ duntaxat, sed etiam ratione confirmatur. Etenim quando obstructa vasa sanguini appetenti transmitti denegant, cumulatque liquidum canales ita distendit ut eos etiam pertrumpat, quid à medicamentis ut emetici non metuendum, quæ liquores insolitis moribus agitando illorum vim nimiamque in fibras ad huc augent? Erumpunt magis ac magis. Cruor per hiantes vasorum aperturas, novas etiam sibi in angustiis pressus aperiet, aut in lymphatica itruus, inisque aliis intrusus enormem pariet inflammationem. Fatendum equidem ea esse vomitoria quæ si nullum afferant bonum, plurima inferunt mala. Si enim suis succussibus partes ingurgitate propellere, compressionem exprimere nequeunt, necesse est ut eas altius urgeant, fortius inter angustias vasorum quasi clava insigant, sicque omni resolucionis spera auferant. Quinam igitur erunt casus in quibus emetica exhibere licebit? Quibusiam signis dignoscere poterunt? Sanè, discernere quando utilia vel noxia erunt, quando morbum curabunt, vel eum exacerbabunt, res est iudicii admodum difficilis, & quæ plurimum attentionis in Medico re-

4  
 quirit, cum ex ea pendeat ægrotum salus vel perniciēs. Quippe si ingurgitata moleculæ partibus fluidioribus avolatis eò usque induretur, ut emeticorum succussione dividi nequeant, aut ita cum vasis concretæ illorum lateribus adherescant, ut nullà vi aperta avelli possent videntur; tunc non modo non adhibenda sunt emetica, sed ut hostis perniciosissimus fugienda sunt. Quid enim potentius ad salutem revocare possunt resolutionem efficiendo, eò citius mortem inferunt, quando obstructionis contumaciā eluduntur. Malè autem immeritè quæ exinde concluderetur vomitoria in hisce morbis omnino vitanda esse, nec in ullo horum statu adhiberi posse, sed in omni casu arcenda esse; nisi repellentium, altringentiumque initio phlegmones vituperetur usus quem tam lucidè nobis exposuerunt veteres. Quà etenim curâ, quâ perspicaciæ horum medicamentorum applicationem nos edocuerunt? Quà attentione ab inflammationibus quæ ad statum pervenerant, altringentia removerunt quæ in principio ut optima commendantur: doctrinam scilicet quam hodie exponimus, si non explicarunt, saltem senserunt. Illa etenim fluxio quam fieri dicebant, nihil aliud significat quàm tempus illud quo moleculæ fluidorum, retardato motu, sequentes sistere incipiunt; tempus quo repercutientibus adauctâ fibrarum virtute, omnia evanescere, & ad statum naturalem reverti posse censebant. Quis etenim nescit partes ingurgitatas non ita hisce initiis indurari potuisse, ut leni propulsiōi resistere queant? Cur igitur eadem de pulmonum inflammatione non concederemus? In inflammationibus vividis, magnis, magnâque symptomatum turba notatis sanè acceri debent emetica; ab illis externis altringentia removeant veteres. Quoties enim obstructiones ita contumaces erunt ut partes ingurgitate ferè æquè ac ipsamet vasorum latera resistant, toties intempestivâ succussione necesse erit, ut partes magis lacerantur, infarctus augeatur, suppuratio aut gangrena, morsque ipsa eveniat. Quando autem non ea erit resistentia quæ propulsiōnem superet; cur emetico stagnantes non cederent moleculæ? cur fugientes liberos non relinquunt canales? cur vasorum ab impedito liquidi fluxu distensione sublatâ, vulnercula propriâ contractione non occiderentur, sanguinisque non siteretur excretio? denique cur non sanarentur morbus? Ad id igitur reducit omnis controversia ut molecularum resistentia citè deremeretur: in quo quidem peccari facillimè potest. Hinc emeticis aliquoties augentur morbi qui ab illis sæpe sanari fuerant: hinc iterum in quo bilis hepaticus occupans ductus non admodum induruit emetico succussibus dissipatur, dum alias per venæ cavæ ramos propulsâ bile plurimum crescit: hinc felices quibus gloriatur *Empyrici* successus, dum validis medicamentis quæ Medicus ob prudentiam, & œconomie animalis peritiam reformidabat, totum genus fibrosum succuriendo, obstructiones aliquando potentèr discutiant, quas aliquando etiam illis remediis lethales efficiunt: hinc coctionis crudiatilique venit distinctio, mobilitas nempe & immobilitas partium quæ obstructionem formant. Medici igitur est partium ingurgitarum statum, & quæ futura sit illarum resistentia sedulo investigare, an succussione moveri possint? An diuturniori fibrarum actioni quæ eas sensim dividat an conquat permittenda sint? Quamobrem in inflammationibus pulmonum in quibus pulsus admodum tensus, spirandi difficultas maxima, dolor acutus, rubor faciei vividus, febris vehemens, calor ferè urens, lingua exsiccâ & quasi exusta, denique gravia symptomata gravem esse inflammationem edocebunt, ab iis, inquam, inflammationibus longè removeantur emetica; metus est ne obstructionis contumaciæ superandæ imparia sint, perniciosius quæ succussibus malum adaugent: in iis autem in quibus moleculas vasis impediatis iis non admodum adhuc hærec demonstrabit symptomatum remissio, qui emetica rejiciunt, auxilium renuunt cuius ope inflammationis quasi manibus tolli potest, omnia symptomata citò fugari, fluida ingurgitata efficaciter exprimi, canales potentèr referari, liberâ restituta circulatione spiritum cruentum feliciter sisti potest; sicque tot calamitatibus quæ *peripneumoniæ* ut plurimum exiipiunt, ægrotantes cipi possunt.

Ergo in inflammationibus pulmonum etiam cum spatio cruento aliquando Emeticum.

#### DOMINI DOCTORES DISPUTATURI.

M. Benjamin Ludovicus Lucas de Laurembert.	M. Joannes Baptista du Bois, Professor Regius.	M. Joannes Herment, Medicus Regis ordinarius.
M. Leander Peager.	M. Guillelmus - Josephus de Epine.	M. Raymondus - Jacob Finos.
M. Ludovicus - Alexander Vicillard.	M. Ludovicus - Hyeronimus Cosnier, rei Herbariæ Pro- fessor designatus.	M. Ludovicus Lemery, Medi- cus Regis ordinarius Regiæ- que Scientiarum Academiæ Socius, & in horto Regiæ Chimicæ Professor.

Proponebat Parisiis PETRUS BERCHER, Parisinus,  
Baccalaureus Medicus, A. R. S. H. 1741, à sexta ad meridiem.